

Wien, Österreichische Nationalbibliothek (ÖNB), Cod. 4016

1825

C A S U I S T I C I .

1826

ris in *tres particulas* distributio, quae in *Trātatus et Capitula* abeunt. Ipsummet inchoat Prologo: *Quoniam secundum quod dicit propheta Malachias, ymo Dominus per Malachiam: Labia sacerdotis custodiunt scientiam &c.* instruitque potissimum de VII. Sacramentis. Librarii coronis: *Scriptum per me Mathiam Hayder feria 3^a. in die sancti sixti in lembelstarff Anno domini 1454.* quod Oppidum infer. Austr. nunc Leubersdorf, vel Loibersdorf adpellatur.

II. fol. 193. M. Jodoci Weiler de Hailpruna *Trātatus*, ut e calce adsumo, de Casibus Excommunicationis scilicet qui sint de iure uel de consuetudine. Incipit: *Quia, circa literam, Vos estis sal terre, curatus sacerdos comparatur sали &c. et in IX. Lectiones* divisus omnem Excommunicationis, Reservationum &c. materiam in usum Confessariorum egregie pertractat. Pronunciatum fuisse vienne 1450. in calce idem testatur *Mathias Hayder art. Bacal.* scriptor. De Autore saepius in his Commentariis actum est.

III. fol. 270. Sermones II. Prior habitus in novi Sacerdotis Primitiis agit de Sacerdotum dignitate, et incipit: *Omnis honorate &c. prima Petri 2 Quia fideles karissimi nouellus summi dei sacerdos &c.* Alter habitus videtur circa Festum Ascensionis in illud: *Vado ad eum, qui me misit. Joh. 16.* Incipit: *Dominus noster iherus cristus in preclaro sermone &c.* sed Scriptor imperfectum destituit.

DCCLXI.

Codex chartaceus lat. Sec. U. 192
XV. Folior. 195. 4. calamo crasco exaratus et miniatus inscribitur in Theca exteriore: *Casus summarij. Puta super V. Libros Decretalium Initium ἀντιγραφον: Gregorius episcopus Seruus Seruorum. Ponitur Titulus papalis cum salutacione et persone quibus scribitur. &c.* Nondum satis dispicio inter Bernhardum Bottonum Parmensen, et Bernhardum de Montemirato Compostellanum, quorum hunc circa an. 1250. illum circa an. 1240. floruisse, utrumque vero Innocentio IV. gratum fuisse ferunt. *Casus Longos super V. Libros Decretal.* a Bibliographis jam huic, jam illi tribui video. Itaque vehementer suspicor, non nisi de uno homine rem esse. Quod si ille praeter *Casus longos*, qui non semel sub Typographiae initia prelo proditi sunt, etiam *Breves reliquit*, hos praesenti Codice contineri censeo; *Casus enim breves Argent.* 1493. f. excusi sunt *Decretalium Sixti et Clementinar.*

DCCLXII.

Codex chartaceus lat. Sec. XV. R. 1109
Folior. 277. 4. non una manu, munde tamen perscriptus et partim rubro distinctus Varia Vienensis continet, quae enumeranda duxi. I. igitur habetur *Dissertatio Epistolaris* 17. *Capitulis* constans *Thomae Haselbachii nostri ad Petro-*

Wien, Österreichische Nationalbibliothek (ÖNB), Cod. 4016

1827

C O D I C E S

1828

tronellam Magistrum ac Conven-
tum Sororum ad S. Jacobum s.
Augustini ord. Canon. regularium
in calce data Anno domini 1454.
Conuersonis sanctissimi Pauli die,
de Contractibus Censuum, in quan-
tum liceant, prout jam Vol. I. P.
3. col. 2604. retuli.

II. fol. 49. Tractatus de Discretione *ἀδεσπότος*, constans Capp. 36. quorum 1. incipit: *Quod sola discretio religiosis summe necessaria perducit sine errore ad perfectionem. Bonum est sal. Luc. 13. Sal. discretionem significat. &c.* Definit ultimum: *stabilitas, quam quis voulit expresse, de qua tamen posterius latius dicetur.* Verum nihil sequitur. Praeterea in fronte Opusculi adjectum est: *Iste est tertius tractatus sive tertia pars.* Verum nihil antecedit. Quaerendus igitur est plurium ejusmodi Libellorum parens. Atque hic se offert M. Nicolaus Kempf de Argentina Carthusiae Gennicensis in Austria alumnus, cuius quaedam ex alio Codice jam hoc Vol. indicavimus, vitam vero et Scripta refert Bern. Pezius in Praef. T. IV. Biblioth. Asceticae. Apud eundem etiam T. IX. p. 381. ipsum nostrum de Discretione Tractatum habes, nihil tamen de numero aut ordine Tractatum expeditum.

III. fol. 109. *Questio Vesperialis* M. Pauli de Mellico. Viri hujus, proprio nomine Leubman, etiam astronomica disciplina exculti, Eccl. nostraræ Cathedralis tandem Decani, et a. 1479. ex-

tineti Acta referuntur in P. II. *Scriptor. Universit.* p. 14. et nos alibi hoc Vol. illius meminimus. Quaestio ejus *Vesperialis*, id est, pridie habenda, quam Doctoratus adsumantur Insignia, sic sonat: *Vtrum durante statu generalis Innocentie paradisi incole poterant mori, peccare, ac dampnacionem incurrere?* Quomodo *Vesperiae* in Universitate Vienn. actae sint, vide in *Statut. Facult. Theol. Tit. XVI.* apud Lambec. L. II. c. 5. p. 163. aut in *Analeff. Vindob. Kollar.* T. I. p. 157.

IV. fol. 117. *Questio vesperialis* M. Johannis de Lambaco professi Monasterij ibidem. Ita quidem: *Vtrum durante statu generalis Innocentie et corpus subdereatur anime ac singule eius vires suffissent deo obedienter subiecte?* De hoc Coenobita Benedictino super Austriae nihil mihi compertum.

V. fol. 125. Discutitur Quaestio: *Vtrum in sacramento altaris sit aliquid substantie panis?* Quatuor errores sibi refellendos sumit Disputator: 1) dicentum, Substantiam Panis annihilari. 2) manere una cum Christi Corpore. 3) Suppositum Panis desinere esse secundum suum Esse suppositale Panenitatis. 4) Panem non remanere in Esse suo perfecto, sed quodammodo sopito. Et hunc ultimum errorum ait referri *sub protestatione tamen, et sine eius assertione a Stanislao (de Znoyma) in tractatu, quem prage de presenti conscripsit materia, quemque nos non semel priore Vol. indicavimus.*

Ter-